

**PEQQINNISSAQARFIUP KIFFARTUUSSINERANUT IL.IL. NAAMMAGITTAAL-
LIUTIT PILLUGIT KAAJALLAASITAQ.**

Atuuffissaa siunertaalu

§ 1. Kaajallaasitaq manna pisortat peqqinnissakkut sullissinerannut innuttaasut naammagittaalliutaasa (*kiffartuunneqarneq pillugu naammagittaalliutit*) suliarineqarnerannut atatillugu malittarisassanut naleqqussagaavoq.

Imm. 2. Peqqinnissaqarfimmi sulisuusut suliaannut tunngatillugu naammagittaalliutit kaajallaasitami pineqanngillat, takuuk Peqqinnissaqarfiup sullissineri il.il. pillugit Inatsisartut peqqussutaanni nr. 15-imi, 6. november 1997-imeersumi § 28.

§ 2. Kaajallaasitakkut matumuuna kiffartuussineq pillugu naammagittaalliutit sukkasuumik, eqqortumik qitiunngitsumilu suliarineqartarnissaat qularnaarneqassaaq. Taamatuttaaq kaajallaasitakkut matumuuna amigaataasut paasineqartut malitseqartinneqartarnissaat taamaaliornikkullu peqqinnissaqarfiup sullissinerata qularnaatsumik pitsaassuseqartuarnissaa qularnaarneqassalluni.

Naammagittaalliuteqarfissat

§ 3. Dronning Ingridip Napparsimmavissua pillugu naammagittaalliutit aamma Kalaallit peqqisartut Illuat pillugu naammagittaalliutit Dronning Ingridip Napparsimmavissuani Napparsimmavissuup aqutsisoqarfiani suliarineqartassapput.

Imm. 2. Najukkani peqqinnissaqarfiit aamma najukkani kigutit nakorsaqarfiit pillugit naammagittaalliutit Peqqinnissaqarfiup Peqqissaaveqarfinnik Aqutsisuini (*Peqqissaaveqarfinnik aqutsivik*) suliarineqartassapput.

Imm. 3. Nunani allani katsorsaasarfiit, nunatsinni peqqinnissaqarfimmit napparsimasunik inner-suussiffiusimasut pillugit naammagittaalliutit Dronning Ingridip Napparsimmavissuani Napparsimmavissuup aqutsisoqarfiani suliarineqartassapput inatsisitigut allatut aalajangiisoqarsimatinnagu imaluunniit katsorsaasarfimmik pineqartumik Naalakkersuisut isumaqatigiissuteqarsimatinnagit.

Imm. 4. Danmarkimi katsorsaasarfiit pillugit naammagittaalliutit suliarinissaanut Napparsimmavissuup aqutsisoqarfia itigartitsisinnaavoq naammagittaalliuteqarnissamut allaffissornikkut periarfissat Danmarkimiittut atorneqarsimanngippata. Itigartitsinermut taama ittumut atatillugu Napparsimmavissuup aqutsisoqarfianit naammagittaalliorfissamik eqqortumik kiisalu pisariaqartinneqassappat naammagittaalliutit kalaallisut allallugu tunniunneqarsinnaanera ilitsersuussuti-

gineqassaaq. Tamatuma saniatigut Danmarkimi oqartussaasunut eqqortunut suliap ingerlateqqinnissaa Napparsimmavissuup aqutsisoqarfiata neqeroorutigissavaa.

Suliamik ingerlatsineq

§ 4. Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi kapitali 8-mi (nipangiussisussaassuseq) malittarisassat kiffartuussineq pillugu naammagittaalliutinik suliarinninnermi atorineqarsinnaapput, takuuk inatsimmi § 2, imm. 3.

Imm. 2. Suliassat suliarineqarnerat pillugu inatsimmi kapitali 2-mi (suliameq peqataasinnaangineq) malittarisassat taamatuttaaq kiffartuussineq pillugu naammagittaalliutinik suliarinninnermi atorineqarsinnaapput.

Imm. 3. Suliassat suliarineqartarnerat pillugu inatsimmi malittarisassat allat atorineqarsinnaapput naammagittaalliuteqartup soqutigisaanut siunertaqarineqartut eqqarsaatigalugit naleqqussorinarpata.

§ 5. Kiffartuussineq pillugu naammagittaalliut tiguneqarpat naammagittaalliuteqarfiusup allakkatigut naammagittaalliortoq tamatuminnga tigusinerminik uppersaaffigissavaa naammagittaalliutigineqartullu naammagittaalliuteqarfiusumit paasineqarnera erseqqissumik oqaatigalugu. Uppersaaneq taanna naammagittaalliutip tiguineranit ullut qulit qaangiutsinnagit naammagittaalliuteqartumit tiguneqareersimasariaqarpoq.

Imm. 2. Naammagittaalliuteqarfiup naammagittaalliutip tiguineranit qaammatit sisamat qaangiutsinnagit suliamut atatillugu inaarutaasumik oqaaseqarnissani anguniartariaqarjaa.

§ 6. Kiffartuussineq pillugu naammagittaalliummut naammagittaalliuteqarfiusoq inaarutaasumik oqaaseqaateqareerpat qanoq pisoqarniarnera malillugu Peqqinnissamut Pisortaqarfimmuut naammagittaalliutip saqqummiussinnaanera pillugu ilitsersuisoqassaaq.

Naammagittaalliutit pillugit nalunaarusiorneq

§ 7. Naammagittaalliorfiusut ukiumoortumik nalunaarusiortassapput, nalunaarusiallu imarissavai suliameq tiguneqarsimasut inaarutaasumillu suliarineqarsimasut qassiunerinik ilisimatitsissutit suliarineqarfiinut agguarlugit, suliameq inaarutaasumik suliarinerinut piffissaq agguaqatigiissillugu atorineqarsimasoq, § 5 malillugu suliarinissaannut piffissaliussatut kaammattuutigineqartup eqquutsissinnaanginneranik ilisimatitsissutit, suliameq inaarutaasumik suliarineqarsimaneranik, naammagittaalliuteqartup ilaannakortumik tamakkiisumilluunniit ilalersorneqarsimaneranik ilisimatitsissut, suliameq ataasiakkaat aalajangersimasut pingaarutillit, kiisalu suliniutit naammagittaalliuteqarnernut tunngaviusimasut.

Imm. 2. Nalunaarusiaq Peqqinnissamut Pisortaqarfimmuut saqqummiunneqassaaq kingusinnerpaamik ukiup nalunaarusiorfiusup kingorna aprilip qaammataani.

§ 8. Kaajallaasitaq 2003-mi januarip aallaqqaataani atuutilerpoq ullullu taassuma kingorna peqqinnissaqarfimmi tiguneqartunut naammagittaalliutitut atuutsinneqalissalluni.

Namminersornerullutik Oqartussat, ulloq 19. December 2002

Jørgen Dreyer

/

Stefan Krehbiel